



中國地方志集成

寺觀志專輯 ⑱

海 珠 小 志	石 霜 志 略	玉 泉 寺 志	長 春 觀 志	洪 山 寶 通 禪 寺 志	嵩 岳 廟 史	少 林 寺 志
------------------	------------------	------------------	------------------	---------------------------------	------------------	------------------



少林寺志



(清)

葉封 焦欽寵 施奕 焦如蘅

原輯 補輯

原缺

(序一二)

述
乃援筆作志其
目有八其卷有四云蓋嘗念
自有此寺以來元魏李唐間
翠華游豫尤為極盛一時離
宮別館之飾金泥玉檢之文
與夫高僧隱士之窟騷人墨

客之遺豐碑大刻千章十圍
之森列照耀林谷幾與二室
羣峯並峙不朽而滄桑遞變
不幸為風霜之所剝兵火之
所燔樵童牧豎之所摧折欲
求當年之髣髴已邈不可得

徒存其名於殘篇零楮之間
以供登臨者之想像憑吊而
已是可慨也然向非探竒嗜
古之士遠寄冥搜掇拾而抉
剔之則並此區區之名將歸
於澌盡不又重可惜哉遠倩

之為此志也距其先世著書之日七十餘年矣寺中勝概往々守土者不加愛惜而寺僧輩更緣以為利其間剗削者又不知凡幾遠倩撫名蹟之訛無念先澤之猶新不憚

躡

以窮此

沃屢更寒暑於

堪巘斷壑頽垣薜壁間得其

片碣隻字摩挲珍惜如獲拱壁而登之竹素庶幾寺之久而且著者益有以永其傳於來茲云爾余承乏觀察登邑

在所轄內嘗按部其地今年戊辰春恭逢

車駕東幸祀岱禮成復推廣德意於四嶽四瀆皆遣官致祭余又奉檄肅將祀事往來於少林殆將十載而公程立

無暇窮極林壑之勝三十六

峯笑人久矣祀事既畢邑令

施君以寺志來謁余序君素培護此寺而志又其較讐者余亟攜輿中讀之峯巒蒼翠撲人眉宇不啻卧遊其際既

以釋余登臨不盡之憾而賢
令之留心藝文遠倩之克紹
前緒所願與讀斯編者共珍
重而愛惜之也是為序
乾隆十有三年歲次戊辰秋
閏七月既望

序

中憲大夫河南分巡河陝汝道
按察使司副使京江張學林撰



敘

嘗讀天下名山記載嵩少
林壑之美心甚艷慕之歲
乙卯余卿

命赴中州出都門循太行而南
迄河干遙望層巒疊翠上
出重霄知中岳在豫心憶

敘

其為嵩也適並轡同人有
曾履其地者指顧謂余曰
其端嚴俊偉者太室也迤
西峭壁為少室二室之間
名剎櫛比蘭若相望選佛
盛區首推少林自達磨一
葦渡江九年而壁稱釋氏

敘

二

祖庭殿閣巍煥古樹陰森
王公卿士遊覽題咏碑碣
林立宇內名勝允屬巨擘
比入豫卜居葵山之上方
寺其主僧派衍少林又爲
余道其詳余益艷慕不能
置夏杪中丞王公羽檄
示余云登封少林奉
勅修葺機務殷繁邑令乏員命
余往治邑事兼董厥役余
聞之欣然適獲我心矣比
乘傳至工已將就竣急求
曩所謂碑碣林立者縱觀
之率多唐宋以來上自宸

敘

三

翰下迄遊士果更僕莫能
數其碑
頌式者且多除去或跌仆或毀
棄惜不能卒讀迄甲子余
奉憲修邑志畢念少林
爲海內名刹景物藝林雖
難見於嵩山志說嵩諸書
僅全豹一斑不可無專志
以表其盛無如金石所載
多所遺失何邑孝廉焦子
遠倩出其家藏少林志稿
爲其廼祖樗林與前令楚
黃葉井叔所輯今除去者
悉在焉遂相與裁酌編次

俾成完璧會

巡臺張大人承祭至嵩駐節

少林顧謂余曰予先王父

暨先嚴連主中州文衡名

山大川皆化雨所及今予

又繼秉節鉞得歷覽名勝

予與嵩少可謂有緣暇當

余

爲文以紀之適焦孝廉呈

志稿就公質公披閱

顏頗霽卽命付梓爲名刹

增色且自書鴻章以弁厥

端余不佞坐公春風中

久文事吏治指授靡窮今

茲之役又獲步公後塵

表章名勝曩所艷慕從此

揚懷矣書成聊附片言俾

後之覽是志者如讀天下

名山記均當卧遊云

肯

乾隆十三年歲次戊辰中

元吉旦

敘

五

累授文林郎知登封縣事晉江

施奕簪錦蹊甫撰



嵩山少林寺古今名利也其
間形勝景物美不勝收茲為
繪圖具說編訂付梓披覽一
過可盡臥遊云

乾隆戊辰

邑人進如蘅家巖氏題

敘

少林寺志

總目

序

繪圖

形勝

營建

古蹟

祥異

藝林

少林寺
總目

題咏

少林寺志

藝林目

宸翰 七

藩王文翰 二

碑記 二十三

僧碑 八

僧傳 十八

題咏目

五言古 十七首

少林寺志 目錄

七言古 九首

五言律 九十一首

七言律 一百五首

五言排律 九首

七言排律 二首

五言絕句 十七首

七言絕句 四十五首

六言絕句 六首

偈 五首

贊 三首

頌 一

詞 一

賦 一

少林寺志 目錄

少林寺志

纂修姓氏

總裁

分巡河陝汝兼管水利道按察使司副使張諱學林字圖東江南丹徒人

知河南府事陳諱錫銘字聖岩浙江嘉善人

河南府通判張諱衷字江南人

原采輯

前知登封縣事葉諱封字井叔楚黃人

登封縣候選訓導焦諱欽龍字錫三號構林

少林寺志

續輯

知登封縣事施諱奕簪字珮其福建人

登封縣舉人焦如蘅字遠倩號容巖

校正

登封縣儒學教諭張鶚薦字亦青號偉軒信陽人

登封縣儒學訓導牛承德字振宗汜水人

登封縣候選訓導傅汝弼字赤玖

校刊

登封縣典史聞源遠字靜菴浙江人

登封縣儒學生員焦如葵字幼倩

登封縣儒學生員焦如蘭字芳倩

登封縣儒學生員傅維城字宗子

少林寺志

修少林寺志紀事

蓋聞巨嶽長川恒賴珠璣之點綴鴻章佳什必藉貞珉以流傳故蔽芾咏夫甘棠昭垂千古岫嶠鑄於禹穴彪炳萬年聿惟少林夙稱名剎地闢嵩邱之右院開少室之陰九蓮紫聳翠於前五乳峰環繞於後鐘樓藏閣勢凌霄霄碧殿金繩光搖翡翠亭名立雪傲佳話於程門堂顏傳心效精一於虞字鯨音吼夜月谷應山鳴韻鼓晨星夢回塵斷孝文開創適有跋陀西來梁武漏因致使達磨北渡九年面壁本欲無

少林寺志 紀事

言隻履西歸反教有象洎乎唐太宗龍興之始廼值王世克鼠竊之候僧徒勤王元兇授首鳳詔寵錫沙門晉秩大將軍鴻文褒功最顯莊嚴少室寺從此乘輿頻降珠旂與貝闕爭妍宸翰疊頒鐵畫偕銀鈎並勒高宗賜飛白之筆武后錫冬筭之書翰墨來自天家山靈增色棖題撤於藩邸毘盧揚輝

聖祖御額雙懸赤文綠字相輝映

世宗勅修特見朱薨青燄笑矣輪斯歷代

帝王之宸遊爲百爾臣工所瞻仰匪徒移情於釋教寔留

少林寺志 紀事

勝跡於名山於是臺閣重臣封疆大吏代天巡狩而止止采風問俗以遙臨以及遷客騷人高賢韻士蠟展選勝美景良辰或竹裏逢僧龔偷閒於半日或峰巔舒嘯欲消遣於寸裏靡不即景留題亦且登高作賦九潭印月見白侍郎之賞心五品封槐知文潞公之懷古文如韓潮蘇海翻巨浪於長江大河詩成島瘦郊寒寫遊踪於短音勁節東坡山谷碑碣參差思白子昂文石繡錯黃絹幼婦莫可盡其形容繼屠焚膏豈能窮其流覽惜年深歲遠風雨剝侵致蘚護苔

封魯魚莫辨兼以僧俗罔識寶重一任圖書半沒塵埃見者忤心聞之動念前任葉明府井叔約同先王父樗林於五十年前搜羅鈔集俾薄斛珠玉收貯篋笥遂什襲以貽後人備采擇以修寺志奈余小子愧乏寸長才疎既不足以任纂修力綿又無能以付剞劂僅繼前人之志不憚校繕之勞祇期別類分門罔計點金成鐵茲逢

邑侯施老夫子仰承

巡臺張老大人博古通今察來彰往念貞珉之多失慨

珠璣之僅存輯刊新編流芳奕禩則天下第一名利
可展卷以當卧遊而案頭一紙烟雲並金石以垂不
朽矣

肯

大清乾隆十二年歲次丁卯嘉平之吉

邑人焦如蘅遠倩甫識



少林寺志 紀事

三

少林寺志

繪圖

總圖

初祖菴

隻履西歸像

魚藍菩薩像

關夫子像

影石圖

寺院全圖

達磨像

觀音像

繫那羅王像

面壁圖

鍾馗像

少林寺志 繪圖

總目


少林總圖

寺以山重圖
山則兩菴亦
附寺顯選勝
東來全景在
目
焦欽龍識






少林寺志 繪圖



少林寺志 繪圖



三

隻履西歸像



少林寺志 繪圖

四

觀音像碑 吳道子畫在牆東



魚籃菩薩像在鐘樓下



少林寺志 繪圖

五

緊那羅像在殿內



關夫子像碑在千佛殿外



少林寺志 繪圖

六



面壁洞在五乳峯


影石在初祖菴



少林寺志 繪圖

七

鍾馗像碑在山門內達磨碑陰



少林寺志

形勝

太室 在少林寺東卽嵩山詩曰嵩高維嶽卽此詳見嵩

山志

少室 在少林寺前有三十六峯郡國圖志云少室其高

十六里傅梅云看山如相人先論面背由孟津渡河望

之見少室之背如墻壁然若踰轅轅歷少林東去正從

臂下過耳由密縣自告城來俱十得其四西方山頽陽

來十得其六西南惟汝州正相對峯巒眉疊聳出雲表

少林寺志

如千葉舒萼雖太室雄偉遜其花秀

五乳峯 在少室北自鉢孟峯斜分一支五頂相連圓踰

十里如鳳張兩翼少林寺建其中山名五乳後傳法源

流分爲五宗若預兆云又山頂皆圓如僧帽宜其爲釋

家勝地也

鉢孟峯 在少室陰上下相半形如鉢孟之覆二洞巷建

於其上菴內有四井水皆清冽相去咫尺水味各別

御岩 卽少室頂有兩疊寬平如若有四天門險峻可避

兵金宣宗置兵其上俗稱御岩明季土寇李際遇竊據

之上有水櫃碾磴等具

面壁洞 在五乳峯上去絕頂僅數武石洞幽邃深丈有

半石痕如水面波紋連捲層疊入洞寒冽栗起不可禁

爲達磨九年面壁處今洞外有石坊陽面刻西來華跡

陰刻默元處三字內有石象坐洞腰旁一僧合掌侍立

則慧可也入洞之道盤曲周折險處盡夷寺僧曰火龍

治之烈石成土道屈如龍

餐龍崖 在面壁洞之西俯陷一隙自下上穿傳爲火龍

洞達磨入洞龍自隙遁也崖因洞得名

少林寺志

飲龍池 在五乳峯址阻道而立有石槽納百石水相傳

盧能帶柏之鉢擲而化石蓄水以資灌溉

虎洞 在面壁巷左二里許澗石磷磷有流水屈曲之形

而無水每靜夜聽之石內冷冷作聲東來西去蓋暗泉

動蕩於山之內也相傳跋陀開創時有讖云後五百年

當有女王來欲薤此因叱水不令東流至唐則天后果

幸此欲奪此地竟以無水而止

鍊廳臺 二祖菴前一山聳起南對曉巖下臨深經有石

方廣二丈餘相傳爲慧可經行處一稱覓心臺嵩山志